



Inatsisartut

Aningaasaqarnermut Akileraartarnermullu

Ataatsimiititaliaq

Finans- og Skatteudvalget

Ulloq/Dato: 24. februar 2012
J.nr.: 01.31.06/12-00567

Naalackersuisutmedlemmet for Finanser

Orientering til Naalackersuisut om Finans- og Skatteudvalgets beslutning onsdag 22. februar 2012 - Sagsnr. 01.31.06/12-00568

Missingersuutitut sunniuteqanngitsumik aningaasat nuunnissaannik qinnuteqaat, konto pingaarnerup 40.01.04 Siunnersuisarfik PPR-ip, konto pingaarnerup 40.10.13 Meeqqat atuarfianni Annertusisamik immikkut atuartitsinerup aamma konto pingaarnerup 20.05.20 Kommuninut ataatsimoortumik tapiissutit akornanni, aamma Meeqqat atuarfiat pillugu peqqussutip allannguutaa pillugu Inatsisartut peqqussutaata nr. 2, 2. december 2009-meersup (perorsaanikkut aamma tarnip pissusiitigut siunnersuisarnerup kommuninut nuunneqarneqarnerat) 1. januar 2012-miit atuuttuulersinneqarnissaa pillugu Namminersorlutik Oqartussat nalunaarutissaattut siunnersuutip akuerineqarnissaa

Naalackersuisut **inassutigaa**,

- kontumi pingaarnermi 20.05.20-mi, Kommuninut ataatsimoortumik tapiissut, aningaasaliissutit 69.093.000 kr.-inik amerlineqassasut,
- kontumi pingaarnermi 40.01.04-mi, Siunnersuisarfik PPR, aningaasaliissutit 14.951.000 kr.-inik ikilineqassasut, aamma
- kontumi pingaarnermi 40.10.13-imi, Meeqqat atuarfianni annertusisamik immikkut atuartitsineq, aningaasaliissutit 54.142.000 kr.-inik ikilineqassasut.

Aningaasaqarnermut Ataatsimiititaliap oqaaseqaatai

Inatsisartut 2009-mi aalajangerpaat annertusisamik immikkut atuartitsineq siunnersuisarfillu PPR kommuninut isumagisassanngortinneqassasut. Taamatut aalajangerneq 1. januar 2012 atuutilerpoq. Tamanna tunngavigalugu taamatut isumagisassanngortitsinermut atatillugu missingersuutitut sunniuteqanngitsumik aningaasaliissutinik nuussinerit pisariaqalersut Aningaasaqarnermut Ataatsimiititaliamit akuerineqarnissaannik suliama matumani Naalackersuisut qinnuteqarput.

Ataatsimiititaliap nuussinerit pineqartut akuerisinnaavai.

Ataatsimiititaliali naammagisimaarnagu maluginiarpaa suliassaq Naalackersuisunit ulloq 26. januar 2012 Aningaasaqarnermut Ataatsimiititaliamut ingerlateqqinneqartussatut akuersissutigineqarsimammat, taamaattorli taamaakkaluartoq aatsaat Aningaasaqarnermut Ataatsimiititaliamut ingerlateqqinneqarluni ataasinngornermi ulloq 20. februar ualikkut kingusissukkut. Ataatsimiititaliap siusinnerusukkut arlaleriaqaluni taamatut kinguaattoortarnerit pisannnginnissaannik kissaateqarluni oqaaseqaateqartareerpoq. Ataatsimiititaliap naatsorsuutigaa Aningaasaqarnermut Naalackersuisoqarfiup Siulittaasullu Naalackersuisoqarfiata suliassaqarfimmi suleriaatsinik najoqqutassanillu maanna erseqqissaateqarnissaat, siunissami taamatut kinguaattoornernik pisoqaqqeqqunagu.

Tamatuma saniatigut ataatsimiititaliap makkuninnga apeqquteqarnissani kissaatigaa:

1. Siunnersuisarfiup PPR-ip kommuninut nuunneqarnera siusinnerusumut sanilliullugu suliassaqqarfimmi atorfiit amerlineqarnerannik kinguneqarpa kinguneqassavaluunniit?
2. Taamaattoqassappat tamatumani kommuninut aningaasatigut qanoq kinguneqarnissaa naatsorsuutigineqarpa?
3. Qaammatip siuliani qinnuteqaammik Naalakkersuisut akuersissuteqarnerata kingorna suliassami pisoqaqqissimava?

Aningaasaqarnermut Ataatsimiititaliap aalajangenera

Aningaasaqarnermut Ataatsimiititaliap Naalakkersuisunit inassutigineqartut **akuerai**. Tamatuma saniatigut qulaani apeqqutinut Naalakkersuisut akissutaat Aningaasaqarnermut Ataatsimiititaliap ataatsimiittarnissamut pilersaarutaa, ilaatigut www.ina.gl/aa-imi nassaarineqarsinnaasoq, isiginiarlugu nassiateqquneqarput. Naalakkersuisut akissutaat kalaallisut qallunaatullu nassiateqquneqarpoq qarasaasiakkut nch@ina.gl-imut assilinera nassiutiitigalugu.

Ataatsimiititaliaq sinnerlugu

Andreas Uldum
Siulittaasoq